



Pou Piblikasyon Imedya: 08/10/2021

GOUVÈNÈ KATHY HOCHUL

GOUVÈNÈ HOCHUL ANONSE PLIS PASE 2 MILYA DOLA PRAL DISTRIBIYE POU NOUYÒKÈ KI GEN NESESITE NAN KAD FON ISTORIK POU TRAVAYÈ KI ESKLI YO

Siksè pwogram lan ak administrasyon rapid benefis yo te deja distribiye 1.2 milya dola nan fon yo

Depatman Travay Eta New York la pral sispann aksepte novo aplikasyon nan 7:30 pm aswè a

Jodi a, Gouvènè Kathy Hochul te anonse Fon pou Travayè ki Eskli nan Eta New York ki se premye an nasyon an sou wout fini. Jiska jodi a, Depatman Travay (Department of Labor, DOL) Eta New York la te peye 1.2 milya dola benefits apati fon an ak apeprè 120,000 aplikasyon te apwouve. Plis pase 2 milya dola pral peye rive fen oktòb.

"Nou dwe asire ke kominote imigran yo jwenn sipò nan rekiperasyon nou an epi mwen te pran angajman depi nan premye jou mwen nan biwo pou pote soulajman bay Nouyòkè yo ki gen bezwen osito sa posib", **Gouvènè Hochul te deklare**. "Avèk lidèchip ki soti nan Kò Lejislatif Eta a epi nan patenarya pwòch avèk kominote yo, pwogram sa a te deja libre plis pase 1 milya bay plizyè dizèn milye fanmi New York epi plis pase 2 milya dola otorize pa lejislati ki pral bay nan twa depi lè pwogram lan te lanse a. Mwen remèsyé tout travayè esansyèl ak eskli yo ki te bravman mobilize pandan pandemi an, epi sa rete yon priyorté prensipal pou asire rekiperasyon pou tout Nouyòkè yo, sa gen ladan kominote imigran nou yo".

Lè nou konsidere gwo repons ak Fon pou Travayè Eskli yo, konbine avèk yon pwosesis revizyon ak peman ki patikilyèman efikas ki benefisyé plizyè milye Nouyòkè ki elijib nan tout eta a, fon an prèske fini, epi **DOL Eta New York la p ap aksepte ankò novo aplikasyon, sa anvigè apati 7:30 p.m. nan vandredi 8 oktòb**.

DOL Eta New York la pral kontinye trete aplikasyon yo nan lòd yo te resewva yo jiskaske fon an fini. Sepandan, yo pa kapab garanti fon yo ap disponib pou nenpòt reklamasyon ki soumèt apre 24 septanm 2021. Sila yo ki te deja aplike kapab toujou jwenn aksè ak kont yo pou gade estati aplikasyon yo oswa reponn ak demann pou dokiman siplemantè.

Komisè Depatman Travay Eta New York la, Roberta Reardon te deklare, "Fon istorik sa a te benefisyé plizyè dizèn milye Nouyòkè. Mwen vle remèsyé defansè ak tout

òganizasyon kominotè nou yo pou patenarya yo nan asire sekou sa a ale jwenn moun sa yo ke benefis federal ak eta a yo te eskli. Nou pa t ap kapab mete pwogram sa sou pye pi rapid ke jan nou te fè a oswa atenn kantite moun nou te rive atenn yo san sipò kontinyèl yo".

DOL Eta New York la te bay plis pase 15 milyon dola nan fon sibvansyon pou 75 òganizasyon kominotè (community-based organizations, CBO) ki san bi likratif atravè eta a pou bay èd, edikasyon, ak fòmasyon dirèk pou aplikasyon. Yon kowalisyon CBO te jwe yon wòl enpòtan nan elaborasyon règleman pwogram lan ak asire Nouyòkè elijib yo te kapab jwenn aksè ak fon an.

Yo te detèmine plis pase 99 poustan aplikan apwouye te elijib pou resevwa montan finansman maksimòm 15,600 dola a ak, an total, 1.2 milya dola te deja distribiye. Ou kapab jwenn done sa yo ak plis enfòmasyon sou [Tablodò EWF](#) la.

Pandan fon an ap fini, n ap kontinye afiche nouvo enfòmasyon sou [sitwèb EWF](#) la.

"Mwen vle pwolonje rekonesans mwen bay Kowalisyon FEW a, tout òganizasyon kominotè yo ki te ede nan pwopagasyon mesaj la ak nan ranpli aplikasyon epi tout pèsonèl nan gouvènman an ki te travay san pran souf pou ede kominote nou yo jwenn aksè soulajman yo merite epi pou Gouvènè Hochul, ki te fè distribisyón rapid la tounen yon priorite pou nouvo Administrasyon li an", **Senatè Eta a, Jessica Ramos, te deklare**, "Avèk 99% aplikasyon yo ki apwouye ki kalifye pou benefis Nivo 1 yo, sa klè ke Asirans Chomaj la eskli plizyè santèn kontribiyab yon fason enjis, epi twòp Nouyòkè, espesyalman nan rejon nò eta a, pa te kapab patisipe. Nou bezwen finansman siplemantè pou kontinye sèvi fanmi k ap travay yo ki sou wout pou rekiperasyon ekonomik".

"Fon pou Travayè ki Eskli yo te pran nesans nan doulè ak soufrans ke nou te temwen nan kominote nou yo pandan pandemi COVID-19 la te nan somè li. Nou te wè kijan bezwen pou soulajman finansye te ijan pou Nouyòkè ki souvan eskli nan sèvis gouvènman yo. Mwen fyè dèske mwen te travay avèk lidè Lejislatif, defansè yo ak Gouvènè Hochul pou pote sekou sa a bay travayè yo epi mwen pa ka tann pou agrandi soulajman pou kominote ki tradisyonèlman majinalize yo", **Manm Asanble, Carmen De La Rosa, te deklare**

Bianca Guerrero, nan kowalisyon Fon pou Travayè ki Ekskli yo, te deklare", Kowalisyon Fon pou Travayè ki Eskli yo felisite Administrasyon Hochul la ak Depatman Travay la dèske yo te distribiye byen vit 2.1 milya dola a ki soti nan Fon pou Travayè ki Eskli yo, ki te ede Nouyòkè yo achte medikaman, fè makèt ak reponn avèk lòt nesesite pou fanmi yo epi fè reyapwovizyonman pou biznis yo. Pandan fon istorik sa a te gen yon gwo enpak, li enpòtan pou nou sonje gen pwoblèm jewografik ak règleman ki dwe rezoud pi devan. Kowalisyon nou an angaje pou batay pou jwenn finansman siplemantè epi nou pa ka tann pou nou travay avèk Gouvènè a ak Kò Lejislatif Eta a pou asire aksè konplè, ekitab pou travayè ki eskli yo atravè eta a".

Pou dènye mizajou sou fon an, ale sou: <https://dol.ny.gov/EWF>.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418